

Հ Ա Մ Ա Ձ Ա Յ Ն Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԵՎ ՂՐԴՉՍԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻՋԵՎ ՍՏԱՆԴԱՐՏԱՑՄԱՆ, ՉԱՓԱԳԻՏՈՒԹՅԱՆ ԵՎ ՀԱՎԱՍՏԱԳՐՄԱՆ ԲՆԱԳԱՎԱՌՈՒՄ ՀԱՄԱԳՈՐԾԱԿՑՈՒԹՅԱՆ ՄԱՍԻՆ

Հայաստանի Հանրապետության կառավարությունը և Ղրղզստանի Հանրապետության կառավարությունը, այսուհետ՝ Կողմեր, տնտեսական և առևտրական հարաբերություններում տեխնիկական խոչընդոտների վերացման նպատակով, ստանդարտացման, չափագիտության և հավաստագրման բնագավառում ցուցաբերելով համագործակցություն զարգացնելու ձգտում, ելնելով միջազգային կազմակերպություններում ընդունված սկզբունքներից և Նորմերից, դեկլարավելով երկու Կողմերի տնտեսական շահերով, երկու պետություններում գործող օրենսդրության շրջանակներում, համաձայնեցին ներքոհիշյալի մասին.

Հոդված 1

Կողմերը փոխադարձաբար ճանաչում են ստանդարտացման, չափումների միասնականության ապահովման և հավաստագրման վերաբերյալ իրենց երկրներում գործող պետական համակարգերը:

Կողմերը՝

միմյանց անվճար տրամադրում են տեղեկություն և Նորմատիվ փաստաթղթեր (ստանդարտների և տեխնիկական պայմանների տեղեկատուներ, տեղեկագրեր, հանդեսներ, ստանդարտներ և ստանդարտացման, չափագիտության ու հավաստագրման վերաբերյալ այլ Նորմատիվ փաստաթղթեր) երկու օրինակից՝ ըստ ԱՊՀ շրջանակներում գործող Ստանդարտացման, չափագիտության և հավաստագրման միջպետական խորհրդի որոշումների, բազմացնելու, պատճենահանելու և, լրացուցիչ համաձայնեցված պայմանով, Կողմերի տարածքում իրացնելու իրավունքով,

Կողմերի միջև համաձայնեցված կարգով փոխադարձաբար ճանաչում են չափման միջոցների պետական փորձարկումների, տեսակի հաստատման, ստուգաչափման և չափագիտական վկայագրման արդյունքները և այն կազմակերպությունները, որոնք կատարում են ստուգաչափման և փորձարկման լաբորատորիաների և կենտրոնների հավատարմագրում, ինչպես նաև Նրանց կողմից հավատարմագրված լաբորատորիաները և կենտրոնները, որոնք իրականացնում են չափման միջոցների ստուգաչափում, փորձարկումներ և ստուգաճշտում,

ճանաչում են մյուս Կողմի հավաստագրման մարմինները, հավատարմագրված փորձարկող լաբորատորիաները և կենտրոնները, փոխադարձաբար մատակարարվող արտադրանքի համապատասխանության հավաստագրերը և նշանները՝ լրացուցիչ համաձայնեցված պայմանով: Արտադրանքի անվտանգության համար պատասխանատու է այն պատրաստողը, իսկ համապատասխանության հավաստագրերի հավաստիության համար՝ հավաստագիրը տվող մարմինը,

ճանաչում են Կողմերի ճանաչմանն արժանացած հավաստագրման միջազգային, տարածաշրջանային և ազգային համակարգերում փորձագետներին տրված հավաստագրերը,

կիրառում են մյուս Կողմի ստանդարտացման, չափագիտության և հավաստագրման Նորմատիվ փաստաթղթերը, եթե դրանց պահանջները չեն հակասում պետության գործող օրենսդրությանը համապատասխան, ստանդարտացման, չափագիտության և հավաստագրման մարմնի կողմից գործողության մեջ դրված սահմանված կարգին,

միմյանց իրավունք են տալիս ամբողջությամբ կամ մասնակիորեն իրենց ազգային Նորմատիվ փաստաթղթերում և Նորմատիվ փաստաթղթերի տեղեկատուներում ընդգրկել մյուս Կողմի Նորմատիվ փաստաթղթերը և Նորմատիվ փաստաթղթերի տեղեկատուները՝ փոխհամաձայնեցված պայմանով:

Հոդված 2

Կողմերը միմյանց միջև համագործակցությունն իրականացնում են համաձայնագրերի, արձանագրությունների և ծրագրերի հիման վրա, որոնք նախատեսում են՝

կադրերի պատրաստում և որակավորման բարձրացում,
ֆիզիկական մեծությունների միավորների ազգային չափանմուշների և ելակետային
նմուշային չափման միջոցների ստեղծում, կատարելագործում և համեմատում,
Նյութի և Նյութերի բաղադրությունների և հատկությունների, ստանդարտ նմուշների,
ինչպես նաև Նյութի և Նյութերի ֆիզիկական հաստատունների և հատկությունների մասին
ստանդարտ ինֆորմացիայի ստեղծում և օգտագործում,
հավաստագրման պետական համակարգերի հետագա զարգացում, կատարելագործում և
ներդաշնակեցում,
ստանդարտացման, չափագիտության և հավաստագրման բնագավառում
տեղեկատվական գործունեության զարգացում:

Յրոկ 3

Կողմերը կաջակցեն միմյանց ստանդարտացման, չափագիտության և հավաստագրման
բնագավառում միջազգային կազմակերպություններին, որոնց անդամ է Կողմերից մեկը,
անդամագրվելու և այդ կազմակերպություններում աշխատանքներ կատարելու հարցերում:

Յրոկ 4

Կողմերն ապահովում են ստացվող փաստաթղթերի և սույն Համաձայնագրի
շրջանակներում կատարվող աշխատանքների և ստացված գիտատեխնիկական արդյունքների
մասին տեղեկության գաղտնիությունը, եթե փոխանցող Կողմը նշում է դրանց գաղտնիության
մասին:

Յրոկ 5

Կողմերից յուրաքանչյուրը կարող է ազատ օգտագործել համագործակցության ընթացքում
ստացած գիտատեխնիկական տեղեկությունը, եթե մյուս Կողմը չի նշել դրա գաղտնիության
մասին, այդ տեղեկությունը կարող է փոխանցել երրորդ պետության միայն այն տրամադրող
Կողմի համաձայնությամբ:

Յրոկ 6

Սույն Համաձայնագրով նախատեսված աշխատանքների համակարգումը և իրագործումը
հանձնարարվում է՝

Հայաստանի Հանրապետությունում՝ Հայաստանի Հանրապետության ստանդարտացման,
չափագիտության և հավաստագրման վարչությանը,

Ղրղզստանի Հանրապետությունում՝ Ղրղզստանի Հանրապետության կառավարության
առընթեր ստանդարտացման և չափագիտության պետական տեսչությանը:

Յրոկ 7

Սույն Համաձայնագրի դրույթներն անհրաժեշտության դեպքում կոնկրետացվում են
Հայաստանի Հանրապետության ստանդարտացման, չափագիտության և հավաստագրման
վարչության և Ղրղզստանի Հանրապետության կառավարության առընթեր
ստանդարտացման և չափագիտության պետական տեսչության միջև կնքված լրացուցիչ
համաձայնագրերով և արձանագրություններով:

Յրոկ 8

Սույն Համաձայնագիրը չի շոշափում Կողմերի՝ այլ պետությունների և նրանց
կազմակերպությունների հետ կնքված պայմանագրերից բխող իրավունքները և
պարտականությունները:

Յրոկ 9

Սույն Համաձայնագրի մեկնաբանման և կատարման հետ կապված բոլոր վիճելի հարցերը կլուծվեն փոխադարձ խորհրդակցությունների և բանակցությունների միջոցով՝ տարբեր մակարդակներով:

Հոդված 10

Կողմերի փոխադարձ համաձայնությամբ սույն Համաձայնագրում կարող են կատարվել փոփոխություններ և լրացումներ:

Հոդված 11

Սույն Համաձայնագիրը կնքվում է անորոշ ժամանակով և ուժի մեջ է մտնում դրա ուժի մեջ մտնելու համար Կողմերի օրենսդրությամբ նախատեսված բոլոր ներպետական ընթացակարգերի կատարման մասին Կողմերի վերջին գրավոր ծանուցման ստացման օրվանից:

Կողմերից յուրաքանչյուրը կարող է դադարեցնել սույն Համաձայնագրի գործողությունը՝ մյուս Կողմին գրավոր տեղեկացնելով իր մտադրության մասին:

Համաձայնագրի գործողությունը դադարում է մյուս Կողմի կողմից այդ ծանուցումը ստացվելուց 6 ամիս հետո:

Կատարված է Երևան քաղաքում 1997 թվականի ապրիլի 21-ին, երկու բնօրինակով, յուրաքանչյուրը՝ հայերեն, ղրղզերեն և ռուսերեն, ընդ որում բոլոր տեքստերը հավասարազոր են:

Տարաձայնությունների դեպքում նախապատվությունը տրվում է ռուսերեն տեքստին:

Համաձայնագիրն ուժի մեջ է մտել 1999 թվականի դեկտեմբերի 3-ից: